

Sastiti





Papa bilong yu long Heven i lavim yu na em i laikim yu long hamamas tudei na oltaim. Em i givim kaunsel na komanmen i kam long ol profet bilong Em long halivim yu. Wanpela komanmen we i impotent long bel isi na hamamas bilong yu em i komanmen bilong Em we i tok long stap klin, ol i save kolim lo bilong sastiti. Bipo long dispela graun Bikpela i kamapim dispela lo, na em i autim impotens bilong em igo long Profet Josep Smit olsem pat bilong Ristoresen bilong gutnius bilong Jisas Krai. Long behainim dispela komanmen em i tok yumi mas mekim long baptais insait long Sios bilong Jisas Krai bilong ol Seint long Las de.

Wanem Em Lo bilong Sastiti?


Pisikal stap klostu namel long man na meri em i biutiful na holi pat long plan bilong God long ol pikinini bilong Em. Dispela em i soim lav insait long maret na tok orait long man na meri long kontribiut long krieisen bilong laip. God i komandim olsem dispela holi pawa i mas

Lo bilong sastiti i nidim olsem ol marit samting i mas stap namel long man na meri.

kamap namel long ol man na meri tasol husait i maret insait long lo. Lo bilong sastiti i aplai long tupela ol man na meri. Em igat bikpela tambu tru long mekim seks bipo long maret na stap wantaim man na meri bihain long maret.

Na antap moa em long lukautim seksual rilesensip long maret, yumi obeim lo bilong sastiti long kontrolim tingting bilong yumi, toktok, na eksen. Jisas Krai i tisisim, "Yupela harim pinis olsem ol i toktok long olupela taim, Yu mas noken komitim adaltri: tasol Mi tokim yu, Olsem husait i lukluk long meri na laik mekim pasin nogut wantaim em i komitim adaltri wantaim em pinis insait long lewa bilong em" (Matieu 5:27–28).





Wai na Mi Mas Kipim Lo bilong Sastiti?

Papa bilong Yu long Heven i givim lo bilong sastiti long lukautim na blesim yu. Olsem olgeta holipla samting, Pisikal stap klostu i mas soim akoding long daireksen bilong God. Taim yu kipim lo bilong sastiti, yu bai enjoim hamamas, bel isi, na rispektim yu yet. Yu bai enjoim trast na konfidens insait long famili rilesensip, na yu bai i kisim blesing bilong kontrolim yu yet. Yu bai i enjoim blesing bilong gospel bilong Jisas Kraus insait long influens bilong Holi Goust.

Satan i save lidim ol manmeri long bilip olsem seksual intimesi ausait long maret em gutpela na i laikim tumas. Tasol em i siries sin; God olgeta taim i save lainim ol pikinini bilong Em long kamap gutpela na klin moa (lukim Exodas 20:14 na Alma 39:3–5). Dispela tok tru em itenol.

Burukim lo bilong sastiti em i abiusim pawa God i givim long krietim laip; em soim ignorens long Em na long ol pikinini bilong Em. Em i bagarapim lotu laip na olgeta taim i lidim long mekim pasin nogut, lewa i pein, lusim man or meri, ol sik, na pasin bilong bagarapin pikinini long bel bilong mama. Husait i burukim dispela lo em i

Taim yu lukautim lo bilong sastiti, yu bai:

- *Invaitim Holi Goust i kam insait long laip bilong yu.*
- *Kamapim bikpela rispekt long yu yet taim yu soim olsem yu ken kontrolim yu yet.*
- *I gat bikpela konfidens insait long rilesensip bilong yu.*
- *Inkrisim planti lav long husait i stap klostu long yu.*

stap ples klia long bikpela influens long Satan. Dispela sin i strong tumas na i save bagarapim ol famili memba na ol narapela.

Hao bai Mi Kipim Lo bilong Sastiti?

God i laikim hai morol pasin bilong ol pikinini bilong Em. Long kipim lo bilong sastiti, yu mas putimbek wantaim gutpela tingting, toktok, na wantaim narapela gutpela pasin. Dispela toktru bai i halivim:

*“Larim gutpela tingting
stap olgeta taim ; behain
bai konfidens bilong yu
bai kamap strong insait
long presens bilong God.*

D&K 121:45

Ol tingting. Gutpela tingting bai i rausim tingting nogut or pasin long laip bilong yu. Taim yu pulumapim laif bilong yu wantaim gutpela tingting na ektiviti, save na tingting bilong yu bai i kamap bikpela long rausim tingting nogut. Ridim ol skripsa, sevim famili bilong yu, wok hat, na

putim yu yet igo insait long kain kain ol ektiviti bai i halivim yu long kontrolim tingting bilong yu.

Noken lukim piksa nogut long kainkain way. Em ediktive na bai i bagarapim. Em bai i bagarapim self-respekt bilong yu na bilong tok tenkyu long ol gutpela bilong laip. Noken larim tingting or piksa nogut i wok insait long main bilong yu. Noken lukim, ridim, or harem samting ol i soim or i toktok long bodi bilong ol manmeri or seksual kondakt long disrespektful wei. I





noken lukluk long narapela wantaim tingting nogut, na noken sagest or eksplisit muvi, televisin, Intanet saits, musik, ol buk, megazin, na ol ektiviti.

Ol toktok Larim ol toktok bilong yu long liftimapim ol narapela na strongim ol. Noken bagarapim narapela, ofensive, na nogut seksual ol toktok, ol tok fani, na ol thim long ol toktok bilong yu.

Eksen Olgeta taim tritim ol narapela wantaim respekt. Yu mas dres up gut. Sapos yu tingim olsem yumi wanwan em pikinini bilong God, na sapos yu mekim olgeta samting yu ken long halivim ol narapela long foloim plan bilong Em, bihain yu bai strong long disaea bilong yu long kipim lo bilong sastiti.

Tingim nau olsem yu bai ino inap long mekim wanpela samting ausait long maret long kirapim pawaful pilings we i mas kamap insait long maret tasol. Noken kirapim dispela ol pilings insait long narapela man or meri or insait long yu yet. Noken go insait long homoseksual or lesbian ol ekt or narapela ol imoral ektiviti. Putim bek ol ektiviti we yu bai traim long burukim lo bilong sastiti wantaim konstraktiv ol ektiviti na ol samting yu save like long mekim. Insait long marit, stap faitful wantaim meri na man bilong yu insait long tingting na eksen.

Bikos long bihainim lo bilong sastiti bai i bringim yu klostu long God, Satan bai i giamanim yu long burukim dispela komanmen. Em i save wanem taim yu bai i stap lonli, tupela tingting, or pilim daun, na em bai i traim yu taim yu wik. Prea long Papa bilong yu long Heven long halivim, na Em bai i givim yu strong long stopim temtesen (Lukim 1 Korintians 10:13). Taim yu pas long Em na foloim dispela ol tok tru, yu bai inap long winim temtesen.

Ol blesing bilong Bihainim Lo bilong Sastiti.

Taim yu lukautim lo bilong sastiti, yu bai i opim wei bilong influens bilong Holi Goust. Wantaim gaidens bilong Holi Spirit, yu bai i kamapim bikpela save, peisim ol trail wantaim bikpela strongpela bilip, pilim sapot bilong God na daireksen insait long laip bilong yu, na kamap gutpela eksampol long famili bilong yu na ol narapela. Dispela lav yu gat long man or meri bilong yu na lav long narapela bai i kamap bikpela, rits na moa miningful. Yu bai ekspiriensim bikpela bel isi long tingting.

Insait long skripsa yumi lainim olsem trupela hamamas i save kam long obeim ol komanmen bilong God (Lukim Mosaia 2:41) na olsem “ pasin nogut ino gat hamamas” (Alma 41:10).



*Regadles long wanem
yu mekim bipo, bikpela ol
blesing i stap waitim yu
sapos yu stat nau long
lukautim lo bilong sastiti.*

Sapos yu burukim lo bilong sastiti pinis, God i mekim pinis posibol long yu long tanim bel na kamap klin gen. Tanim bel nau long wanem kain olupela pasin nogut, na givim taim long bihainim dispela seikred lo. Insait long Atonmen bilong Jisas Krais na insait long ripentens, yu inap lusim ol pasin nogut bilong yu na pilim bel isi.

EKSTRA STADI

Ol dispela askim na ol skripsa bai i halivim yu long lainim moa long ol tok tru insait long dispela pamplet. Ol note long aninit na kros-refrens insait long ol skripsa bai i kisim yu igo long ol ekstra ol stori na ol resos long dispela tok tru.

Em i minim wanem samting long lukautim lo bilong sastiti? Wai na dispela lo em i impotent?

Exodas 20:14 (Baibel, Old Testamen)

Provebs 6:27–32 (Baibel, Old Testamen)

Taitus 2:11–12 (Baibel, Niu Testamen)

Alma 39:3–5 (Buk bilong Momon, peig 368)

3 Nifai 12:27–30 (Buk bilong Momon, peig 531; lukim Metiu 5:27–30 insait long Niu Testamen)

”Famili: Wanpela Proklemesen igo long wol” (Ol misinari or memba bilong Sios i ken halivim yu long kisim wanpela kopi bilong dispela dokumen na bilong *True to the Faith* na *For the Strength of Youth*, list ananit. Yu ken painim ol tu long onlain long www.mormon.org.)

”Sastiti,” *True to the Faith*

Hao bai Mi kisim strong Mi nid long lukautim lo bilong sastiti?

1 Korintians 10:13 (Baibel, Niu Testamen)

Mosaia 4:29–30 (Buk bilong Momon, peig 184)

Alma 38:12 (Buk bilong Momon, peig 367)

For the Strength of Youth pamplet



Wanem samting bai Mi mas Mekim?

- Kontinue long ridim buk bilong Momon.
Sampela ol riding: _____

- Bihainim lo bilong sastiti. Prea long halivoim long lukautim dispela komanmen.
- Kam long sios dispela Sande.
- Kontiniu long rere long baptais.
Baptais deit: _____
- Lukim www.mormon.org long lainim moa long Sios bilong Jisas Krai bilong ol Seint long Las de.
- Kontiniu long bung wantaim ol misinaris long lainim moa long ristord gospital.

Narapela apoinmen: _____

Nem bilong ol Misinaris na fon namba:

SIOS BILONG
JISAS KRAIS
BILONG
OL SEINT LONG LAS DE

www.mormon.org

Piksa Kredits

Frant kava, diteil long *Harem Yu Em*, bai Simon Dewey. © Simon Dewey
Peig 6, *Seviva*, bai Del Parson. © Del Parson
Ol Peig 2, 5, 10 bai Steve Bunderson. © Steve Bunderson
Ol Peig 9, 13 bai Steve Bunderson, Monique Saenz. © Steve Bunderson

© 2007 Intellectual Reserve, Inc. Olgeta rait i risep. Printim insait long USA. Tok orait long Inglis: 2/06.
Tok orait long tanim tokples: 2/06. Tanim tokples bilong *Chastity*: Tok Pisin. 01155 878

TOK PISIN



01155 878